

COLECTIVO DE UNIVERSITARIOS ACTIVOS

MEMORIA 2019



CONTIDO

1. XESTIÓN DA EMISORA COMUNITARIA CUAC FM	4
2. #CUACRESISTE: ACTUACIÓN EN DEFENSA DUNHA LICENZA PARA CUAC FM	5
3. FORMACIÓN RADIOFÓNICA E DE MEDIOS COMUNITARIOS	7
4. PRODUCIÓN RADIOFÓNICA	9
5. IMPACTO DIXITAL E ESTATÍSTICAS DE AUDIENCIA EN INTERNET	17
6. GALA DOS OSCUACS 2019	24
7. XXI CONCURSO DE BANDAS E SOLISTAS DE CUAC FM	25
8. PARTICIPACIÓN EN XORNADAS E CONGRESOS	27
9. PARTICIPACIÓN EN REDES DE MEDIOS COMUNITARIOS	28
10. COLABORACIÓN CON OUTRAS ENTIDADES	29
11. CAMPAÑA DE MECENAS DE CUAC FM	30
ANEXO I. COMUNICADO DE CUAC ANTE O RECURSO DA XUNTA DE GALICIA Á SENTENZA DO TSXG QUE GARANTE O DEREITO DE EMISIÓN DE CUAC FM	31
ANEXO II. COMUNICADO DE CUAC ANTE A RESOLUCIÓN DE INADMISIÓN DO RECURSO DE CASACIÓN DA XUNTA DE GALICIA Á SENTENCIA DO TSXG FAVORABLE A CUAC FM	33

AGRADECIMENTOS

Grazas a todos os **socios e socias de CUAC**, porque sen o seu entusiasmo e intenso traballo á hora de desenvolver os seus diferentes programas, así como colaborando na programación especial de CUAC FM, esta emisora de radio comunitaria non tería sentido.

Grazas á nosa **audiencia**, que nos escoita, nos segue, nos da feedback e nos apoia día a día, interactuando con nós a través das moitas canles de comunicación que temos abertas á ciudadanía.

Grazas a todas as **personas e institucións** que ao longo destes anos nos prestaron o seu apoio, e moi especialmente durante a campaña **#CUACRESISTE** e a nosa loita na defensa do noso dereito a comunicar.

Grazas a todos os membros da **Asemblea de CUAC** e do **Consello de Coordinación de CUAC FM** polo seu traballo incansable e desinteresado desenvolvendo ou coordinando moitas das actividades recollidas nesta memoria.

Grazas aos mecenas de CUAC FM, ás administracións públicas e demás **entidades colaboradoras** que co seu apoio permiten que este proxecto de radio comunitaria e sen ánimo de lucro goce de tan boa saúde.

Grazas a Isa Lema, Bea Ulalume, Tomi Desastre, Mariano Fernández, Chema Casanova e Roberto Catoira pola súa contribución á elaboración desta memoria anual, que tenta recoller as principais actividades desenvolvidas polo Colectivo de Universitarios Activos ao longo de 2019.

1. XESTIÓN DA EMISORA COMUNITARIA CUAC FM

A asociación cultural Colectivo de Universitarios Activos -CUAC- é unha asociación sen ánimo de lucro que traballa fundamentalmente no eido cultural e da comunicación social, sendo propietaria da emisora comunitaria Cuac FM que, de maneira completamente precursora e innovadora, facilita o acceso da cidadanía de forma individual ou organizada a formar parte activa dun medio de comunicación social independente e sen ánimo de lucro.

Cuac FM é unha radio comunitaria fundada en 1996. Unha radio comunitaria é unha emisora privada, sen ánimo de lucro, que ten un fin social: garantir o exercicio do derecho de acceso á comunicación e a liberdade de expresión da cidadanía. Diríxese e débese á comunidade, cumple unha finalidade social e está aberta á participación o máis ampla posible respecto á propiedade do medio e o acceso á emisión, así coma ás diversas decisións de programación, administración, financiamento e avaliación. Non ten fins de lucro e non realiza proselitismo relixioso nin partidista. En CUAC participan persoas físicas e xurídicas. Funciona dun xeito participativo e horizontal a través da asemblea, das coordinadoras e dos grupos de traballo.

UNHA ACTIVIDADE DIARIA, OS 365 DÍAS DO ANO

CUAC vén desenvolvendo unha actividade de emisión radiofónica continuada os 365 días do ano, a través do dial 103.4 da FM e da web www.cuacfm.org. Nestes **23 anos e medio de emisión**, alcanzouse o número de **468 programas** propios emitidos, sendo máis de 1.250 as persoas que fixeron radio e innumerables as convidadas aos diversos programas. Cabe destacar que Cuac FM non ten rexitado nin un só dos proxectos presentados a para a súa emisión.

A xestión e dinamización de Cuac FM implica as seguintes tarefas:

- Atención ás persoas asociadas e acollida de novas asociadas.
- Defensa do derecho a comunicar da cidadanía
- Participación nas redes de medios comunitarios
- Xestión da programación de Cuac FM, mantemento do equipamento tecnolóxico e informático
- Elaboración da programación comunitaria de Cuac FM
- Xestión do Arquivo Sonoro de Cuac FM: RADIODO (software de gravación e arquivado automático para a xeración de podcasts)
- Xestión da Web de Cuac FM, da emisión por Internet e das APPs móbiles
- Xestión da Escola de Radio e Asociacionismo de Cuac FM

RENOVACIÓN DOS EQUIPAMENTOS TÉCNICOS DE CUAC FM

Ao longo do exercicio 2019 Cuac FM afrontou a renovación de distintos equipamentos informáticos no estudio de emisión, con cambio de ordenadores (en estudio José Couso e en redacción), portátiles (estudio de exteriores), pantallas (en estudio José Couso e en redacción), equipo de WIFI para a mellora da cobertura na escola de radio e asociacionismo. asimesmo, realizouse a adquisición e instalación dunha nova mesa de son dixital para o estudio de emisión José Couso.

Durante o ano tamén se procedeu á reposición do material funxible (sillas do estudo José Couso, micrófonos) e ao mantemento dos equipos, substituíndo algúns avariados ao longo do ano.

Así mesmo, renovouse a equipa de son do estudio de prácticas Nikola Tesla da escola de radio e asociacionismo, instalando unha consola D&R Airence xemelga á de emisión que permite que os novos socios e socias de CUAC, así como o alumnado dos cursos de formación organizados pola asociación melloren as súas habilidades técnicas cunha mesa similar á do estudo principal de emisión.

2. #CUACRESISTE: ACTUACIÓN EN DEFENSA DUNHA LICENZA PARA CUAC FM

En 2019 rematou a contenta xudicial que CUAC FM mantiña coa Xunta de Galicia. Cabe lembrar que Cuac FM tivo que cesar temporalmente as súas emisións en frecuencia modulada a noite do 1 de outubro de 2017 ante a apertura dun [expediente sancionador, por parte da Xunta de Galicia](#), que a cominaba a interromper a súa programación baixo ameaza de sancionala con multas de 100.001 a 200.000 euros. Tras a presentación das alegacións pertinentes, a [Xunta de Galicia arquivou o expediente](#) e reconeceu explicitamente que Cuac FM levaba máis de 20 anos emitindo na frecuencia modulada de boa fe, sen ánimo de ocultación, e sen recibir advertencia algunha por parte da Administración, non existindo terceiros prexudicados e que carecía de ánimo de lucro, valorando positivamente o cese das emisións na FM no momento de recibir a notificación da sanción.

Porén, a Xunta de Galicia advertía unilateralmente que esta resolución “racha calquera expectativa de Cuac FM para volver a emitir na FM”, e ameazaba con novos expedientes sancionadores en caso de volver a emitir por ondas. Contra tal prohibición, Cuac FM interpuxo un recurso contencioso administrativo polo procedemento especial de defensa de dereitos fundamentais, que rematou con sentenza estimatoria unánime, notificada a Cuac FM polo Tribunal Superior de Xustiza de Galicia o día 29 de outubro de 2018. Na sentenza, [aprécianse as](#)

demandas de CUAC na súa totalidade, atopándose a acción da Xunta de Galicia coma conculcatoria dos dereitos fundamentais do Colectivo de Universitarios Activos.

Nembargante, con data de 7 de febreiro de 2019 o TSXG notificou a Cuac FM a dilixencia pola cal a Xunta de Galicia anuncia a preparación dun **Recurso de Casación** contra a sentenza 00507/2018 deste Tribunal, favorable a Cuac FM, na que se recoñece **unha garantía temporal de emisión** en frecuencia modulada para Cuac FM. A devandita sentenza que a Xunta pretende recorrer ante o Tribunal Supremo, recoñece a **violación dos dereitos fundamentais de Cuac FM** e o seu **dereito a emitir**, e deixaba sen efecto as ameazas de sanción en caso de voltar á FM, sentenza que foi ditada unanimemente por catro maxistrados, tendo en conta o informe previo da fiscalía favorable á Cuac.

A resolución do Tribunal Supremo de 4 de xuño de 2019 concluiu coa inadmisión a trámite do recurso da Xunta de Galicia contra a Sentenza do TSXG que recoñecía o dereito de emisión á Cuac FM na frecuencia modulada. Na Providencia do Tribunal Supremo, asinada por 6 maxistrados, o Tribunal Supremo inadmite a trámite o recurso da **Xunta de Galicia**, ao tempo que lle impón o **pago de costas procesuais ate un máximo de 1000€**, de xeito que a Sentenza recorrida xa é firme.

Dende CUAC emitiuse un comunicado no que se manifestaba a **satisfacción do Colectivo pola decisión do Tribunal Supremo**, que deixa de manifesto que **Cuac FM tiña razón** cando reivindicou, pola vía xurisdiccional, o derecho a comunicar da ciudadanía da Coruña a través de servizos de comunicación audiovisual comunitarios sen ánimo de lucro.

Cuac FM lamenta asimesmo o malgasto de recursos públicos na persecución dunha iniciativa de comunicación cidadá, e en contra dunha interpretación expansiva dos dereitos fundamentais e as liberdades públicas. Consideramos que o esforzo material e humano empregados en loitar contra Cuac FM era digno de mellor causa, e estimamos que compre unha reflexión ao respecto.

Con esta inadmisión a trámite péchase un episodio revelador dun xeito de entender a comunicación, pouco respectuoso cos dereitos fundamentais e por tanto, profundamente antidemocrático, que debería chamar a reflexión, non so á Xunta de Galicia, senon tamén á sociedade en xeral, e moi en particular aos medios de comunicación.

3. FORMACIÓN RADIOFÓNICA E DE MEDIOS COMUNITARIOS

Cuac FM ofrece diferentes tipos de formación en radiofonía e medios comunitarios, axudada pola empresa de xestión cultural 10d10. Por unha banda, imparte nas súas instalacións obradoiros ás persoas e colectivos asociadas. Estes obradoiros abarcan dende formación básica en comunicación, medios comunitarios, producción, locución e control técnico, ata formación especializada en ferramentas específicas de interese para estas persoas na realización dos seus programas de radio.

Por outra banda, CUAC ofrece tamén obradoiros de formación básica en radiofonía e medios comunitarios á ciudadanía non asociada ao colectivo. Estes obradoiros organízanse en colaboración con diferentes entidades, xeralmente nas instalacións destas.

PLAN ANUAL DE FORMACIÓN RADIOFÓNICA

CUAC desenvolve anualmente, nas instalacións da Escola de Radio e Asociacionismo (locais do campus da Zapateira), con periodicidade mensual, un programa de formación dirixido ás persoas asociadas, á comunidade universitaria e a calquera colectivo ou persoa interesada en facer un programa de radio, que abarca os contidos relacionados coa locución, realización e producción radiofónicas. No ano 2019 celebráronse tres edicións completas do curso de formación, nos meses de marzo, xuño e outubro de 2019. En total, celebráronse **18 sesións de formación**, dos tres módulos dos que se compón o plan de iniciación á radio de Cuac FM (<https://cuacfmu.org/formacion-en-cuac-fm/escolaradio/>). En total, durante este ano natural, tivemos **35 novos alumnos e alumnas** na nosa formación.

Os formadores dos diferentes módulos son: Mariano Fernández, Fernando Souto, Isabel Lema, Tomi Legido, Bea Ulalume, Roberto Catoira, Alex Cortiñas, Roberto Ansede, Iván Loureiro, Carlos Reguera, Ozzy de Castro, Chema Casanova, Rodrigo Gil, Javier Lojo, Alex Bardanca e Luis Santillana. No ano 2019 incorporouse como nova formadora Paula Alonso.

FORMACIÓN ESPECIALIZADA

Cuac FM ofrece a demanda, cando os seus socios o solicitan, talleres de formación especializada para o manexo do estudo de gravación “Alexandre Bóveda”; para o uso da unidade móvil; taller de “Audacity”, programa de software libre para a edición de audio. En outubro 2019 impartiuse unha formación específica para o **manexo da nova mesa do estudo de gravación Alexandre Bóveda** á que asistiron 4 persoas.

COLABORACIÓN FORMATIVA CON OUTRAS ENTIDADES

Segunda edición do Obradoiro de Iniciación á Radio en A NORMAL, o espazo de intervención cultural da Universidade da Coruña

O Obradoiro de Iniciación á Radio organizado por NORMAL e impartido por CUAC, ofreceu nocións de producción radiofónica e xornalismo, locución, e control técnico de son tanto en mesa de misturas como en software informático. O curso constou de 15 horas lectivas con créditos recoñecidos para o alumnado da universidade, e culminou cun [programa de radio en directo](#) no estudo José Couso da emisora.

Conferencia sobre medios de comunicación comunitarios na Facultade de Ciencias da Educación da UDC

Cuac FM foi convidada pola profesora Patricia Digón a impartir unha conferencia o pasado 10 de abril de 2019 na Facultade de Ciencias da Educación da UDC, para o alumnado da materia “Educación e Medios de Comunicación Social”, Impartida no 4º curso do grao de Educación Social. A conferencia foi impartida por Tomás Legido, socio fundador de CUAC e membro da coordinadora de comunicación.

Conferencia sobre radios comunitarias e CUAC FM na Facultade de Comunicación Audiovisual.

O pasado mércores 16 de outubro de 2019 CUAC FM impartiu unha conferencia na Universidade da Coruña sobre a súa experiencia como medio comunitario da Coruña desde hai máis de 22 anos. Esta actividade nomeada **“A experiencia de CUAC FM, Radio Comunitaria da Coruña”** tivo lugar no salón de actos da Facultade de Comunicación Audiovisual e Socioloxía, convidada polo profesor Juan Jesús Romero Cardalda. A participación foi libre e gratuíta e estivo aberta a calquera persoa interesada. A conferencia foi impartida polos membros da coordinadora de Organización e Estratexia de CUAC FM, Mariano Fernández e [Isabel Lema](#) que desenvolveron unha ponencia sobre a traxectoria de Cuac FM, abordando a loita legal e institucional que levou a cabo nestes últimos anos ata acadar -via recurso ante os tribunais- unha licencia de emisión.

4. PRODUCIÓN RADIOFÓNICA

Cuac FM oferta unha programación especializada e de calidade que a ten convertido na emisora radiofónica de eido local con maior número de horas de producción propia, así coma na emisora privada que máis horas emite en lingua galega.

Os contidos de Cuac FM teñen unha clara orientación social, cultural e educativa, caracterizándose pola súa especialización e diferenciación, acollendo temáticas cuxo tratamento en profundidade non ten cabida noutras radios convencionais: música local e minoritaria, música tradicional e de grupos galegos, programas de divulgación científica e medio ambiente, cobertura de movementos culturais minoritarios, programas xuvenís, deporte local, saúde, sensibilización na igualdade, etc.

Este ano fixeron programa colectivos tan diversos como **Fundación Albergue Padre Rubinos**, **Asociación Cultural Alexandre Bóveda**, **UTACA** (Unidade de Tratamento do Alcol e Condutas Adictivas), Asociación **AtlanTICS**, a **Universidade Séniior** da UDC, **ACCEM A Coruña** (Asociación Comisión Católica Española de Migraciones) e a **AEEC- Asociación Española de Enfermería en Cardiología**. Así mesmo, Cuac FM redifunde os boletíns informativos de **Amnistía Internacional** e da asociación ecoloxista **ADEGA**, e da voz a movementos sociais como ACAMPA ou centos de colectivos sociais, grupos musicais, artistas, asociacións e persoas que, coma entrevistados, tamén participan da radio comunitaria.

PROGRAMACIÓN DIARIA: 38 PROGRAMAS PROPIOS

A programación propia de 2019 en Cuac FM está conformada por **38 programas propios** e un total de 34'5 horas semanais de emisión en directo. en 2019 seguiron os seguintes programas xa veteranos: *El Desinformativo, Sin Etiquetas, Cuak'n'roll, Mi rollo es el Rock, A fume de carozo, Alegría, Recendo, Una noche en la ópera, EnWorking, Spoiler, Café con gotas, Dale voz, Simplemente Gente, RadioSénior, Radioactiva, Manda Carallo!, EnBoxes, La hora del Rock'n'Roll, Multiplex, Loco Iván, Orión, La Regadera, Radiantes FM, Nubes de papel, Circo Pirata, Heima, Internet de tu Color Favorito, MalhumorHadas*.

A estes 28 veteranos sumáronse 10 novos programas máis ao longo do 2019: *Cuidado Corazón!, Turbulencias, Familias Divergentes, Último Acorde Radio, DJ Gaby Oro, La Ciencia es Femenino, Bipolares, Peneirando a Educación, Minority Sports, Tá-se bem na rádio*.

PROGRAMACIÓN ESPECIAL DE CONTIDO COMUNITARIO

Máis alá da programación habitual, Cuac FM emite programas de contido comunitario. Estes programas conteñen diferentes temáticas que se consideran relevantes para a comunidade, e ábrese a todas as persoas asociadas a CUAC para que participe todo aquel que queira ou poida aportar algo. En 2019 desenvolvemos os seguintes programas comunitarios:

“Semana da Muller en Cuac FM” con motivo do Día da Muller o 8 de marzo

Cuac FM, por 3º ano consecutivo, Cuac FM conmemorou o 8 de marzo, Día da Muller, cunha programación especial que deu cobertura á situación da muller dende unha gran diversidade de perspectivas, cunha programación especial que comezou o 28 de febreiro e rematou o 14 de marzo. Nesta quincena escoitáronse as voces de mulleres do mundo do activismo, da migración, da educación, da empresa, da Universidade da Coruña, da industria musical e das artes escénicas. 8 programas formaron parte desta iniciativa: *RadioSénior*, *Cuak'n'roll*, *EnWorking*, *Simplemente Gente*, *Heima*, *MalhumorHadas*, *Alegria* e *Turbulencias*.

Programa de divulgación científica: “Especial Día da Ciencia na Rúa” (Maio 2019)

O sábado 4 de Maio de 2018, por 7º ano consecutivo, Cuac FM emitiu un programa especial de 3 horas en directo dende o parque de Santa Margarida, adicado á ciencia como ferramenta para mellorar a calidade de vida das persoas e dos ecosistemas. Un programa producido no marco do [XXIII Día da Ciencia na Rúa](#), organizado pola [Asociación de Amigos da Casa de las Ciencias](#). CUAC realiza dende 2013 unha cobertura especial da celebración do día da ciencia na rúa na Coruña e colga na súa web todos os programas en <https://cuacfm.org/radioco/programmes/dia-da-ciencia-na-rua/>, así como fotos e vídeos de todas as entrevistas/os nas nosas redes sociais: FB: <https://www.facebook.com/cuacfm/> TW: <https://twitter.com/cuacfm>.



Foto: Equipo de Cuac FM, Ciencia na Rúa 2019

Cobertura Eleccións Locais e Europeas (maio 2019)

Cuac FM realizou unha cobertura especial das convocatorias electorais correspondentes cos comicios locais e europeos celebrados no 26 de maio de 2019. Durante o mes de maio, unha programación especial de Cuac FM entrevistou a **Xulio Ferreiro** (candidato de Marea Atlántica), **Inés Rey** (candidata do Partido Socialista Obrero Español), **Mónica Martínez** (candidata de Ciudadanos), **Francisco Jorquera** (candidato do Bloque Nacionalista Galego) e **Pedro Armas** (candidato de Alternativa dos Veciños). A candidata do Partido Popular, Beatriz Mato, tamén foi convidada a participar, mais declinou por motivos de Axenda.

As entrevistas foron emitidas en varias ocasións e en diferentes franxas horarias de forma equitativa os dous días previos á xornada de reflexión. Así mesmo, Cuac FM realizou un programa especial na noite electoral do 26M na que se fixo seguimento dos resultados electorais tanto na cidade e bisbarra da Coruña como a nivel estatal, entrevistando a numerosos candidatos locais e políticos galegos candidatos ao Parlamento Europeo. O audio do programa está dispoñible no enlace: <https://cuacfm.org/radioco/programmes/eleccions-municipais-2019/1x6/>

Cobertura Especial de ACAMPA (xuño 2019)

ACAMPA é unha iniciativa cidadá sen fins de lucro integrada por colectivos sociais, culturais, educativos, veciñais, políticos, sindicais, artísticos, de persoas solidarias, de institucións e empresas con responsabilidade social. CUAC é unhas das asociacións culturais colaboradoras de ACAMPA e retransmitiu en directo, por streaming, todo o que aconteceu dos días 15 ao 18 de xuño na Carpa Central de ACAMPA, ademais de gravar as cuñas promocionais do evento. CUAC redifundiu a programación de ACAMPA a través da súa emisora durante e tras a celebración da devandita actividade. Compoñentes do programa *Simplemente Gente* estiveron especialmente involucradas tanto en ACAMPA como na colaboración de Cuac FM con esta.



Foto: Cuac Fm grava as cuñas promocionais de “Acampa pola paz e o dereito a refuxio”

Programa “Especial Festival Noroeste Estrella Galicia” (agosto 2019)

Programa adicado á programación musical do Festival Noroeste Estrella Galicia 2019, con especial énfase nos gañadores do *Concurso de Bandas e Solistas Cuac FM* deste ano. Ademais de contar con varios socios de CUAC, a maioria pertencentes a programas musicais da emisora, o programa contou coa participación do arriba mencionado Pepe Cunha, de *Ábrete de Orellas*. Con Tomi Legido, Noel Miguélez, Ozzy de Castro e Paula Alonso. O podcast dispoñible en:

<https://cuacfm.org/radioco/programmes/especial-festival-noroeste-estrella-galicia/2x1/>

<https://cuacfmu.org/radioco/programmes/especial-festival-noroeste-estrella-galicia/2x2/>

Cobertura Eleccións ao Reitor da Universidade da Coruña (decembro 2019)

O 4 de decembro de 2019 celebráronse na [Universidade da Coruña](#) as [eleccións á reitoría](#), que escolleu ao reitor da UDC e a súa equipa de goberno para os seguintes catro anos.



Dende CUAC FM fixemos unha cobertura especial das eleccións que consistiu en:

- **Debate en directo** cos dous candidatos á reitor, [Julio Abalde Alonso](#) e [Fernando Martínez Abella](#), que se emitiu o sábado 30 de novembro, en directo, ás 12 da mañá.
- **Entrevista individual** a cada un dos candidatos, [Julio Abalde Alonso](#) e [Fernando Martínez Abella](#), que se emitirá en diferentes [horarios de emisión](#) no 103.4 da FM a partires do domingo 1 e ata o martes 3 de decembro.
- Publicación de ditas entrevistas e do debate na web de CUAC FM a través do noso repositorio de podcasts de Cuac FM: <https://cuacfmu.org/radioco/programmes/eleccions-reitoria-da-udc-2019/2019x1/>

Abordáronse temáticas específicas dos tres sectores principais da comunidade universitaria: alumnado, personal docente e investigador e personal de administración e servizos. Tamén se recollerón preguntas da audiencia a través da liña telefónica, redes sociais e mensaxería instantánea.

Unha cobertura especial realizada por Isabel Lema, Chema Casanova, Miguel Anxo González, Alberto Ansede, Chus Abeledo, Bea Ulalume e Julia Huertas.

PROGRAMACIÓN ESPECIAL E EXTERIORES

Existen diferentes razones polas que un grupo de xente pode querer facer un programa especial, como adicar un programa a un día ou un evento concretos. Cuac FM anima ás persoas asociadas a que o fagan e facilitalles dentro do posible os medios técnicos que poidan precisar. Estes programas teñen unha duración superior ao normal, emiten nun horario diferente ao habitual se é preciso, e ás veces implican mobilizar un equipo de exteriores fóra das instalacións de Cuac FM.

- Os días 23 de xaneiro e 28 de marzo, *La Regadera* gravou programa con público na *Sala Bâbâ Bar*.
- O 9 de febreiro o equipo de *EnBoxes* desprazouse a Meirama (Cerceda) para facer un programa en directo de 2 horas en *O Recuncho de Verdoso*, local que as fins de semana é punto de reunión dos amantes do mundo do motor, e polo que pasaron diferentes persoeiros como o piloto do mundial de SBK, Borja Sánchez.



- O 2 de marzo o programa *EnBoxes* repetiu o gran traballo de emitir en directo todo o **Rallye da Coruña**, facendo novamente a Cuac FM a emisora oficial do Rallye na súa 23ª edición. O equipo de *EnBoxes* fixo seguimento dos catro tramos do rallye ao longo de 13 horas, dende a saída do primeiro coche ata a chegada do último.

- O 30 de marzo *Mi Rollo es el Rock* fixo un programa especial do grupo *Queen*.
- O 9 de abril *Internet de Tu Color Favorito* fixo un directo de hora e media sobre acoso laboral en redes sociais dende a Universidade Laboral.
- O 21 de abril *Circo Pirata* celebrou o seu programa nº100 cun especial de 2 horas que incluiu unha charla sobre inclusión social de persoas con capacidades diferentes co director xeral do Centro Cultural Tarobá de Uruguay, o licenciado Fernando Recoba.
- O 27 de abril *Internet de Tu Color Favorito* emitiu 2 horas en directo desde a **DOMUS**, con motivo da celebración de **FLISOL**, unha xornada de difusión de Software Libre que se celebrou simultaneamente en máis de 20 países de Europa y Sudamérica.



- Os días 20, 21 e 22 de xuño, as compañeiras do programa *Simplemente Gente* retransmitiron a través da web <https://cuacfm.org/ACAMPA> todas as presentacións, charlas e debates desenvolvidas en directo en **ACAMPA 2019** na carpa central nos Xardíns de Méndez Núñez.
- O 22 de xuño *EnBoxes* retransmitiu desde Lalín o **Rally do Cocido** nun programa que durou case todo o día, de 8 da mañá ata ás 11 da noite.
- O 13 de xullo foi moi completo no que a directos en exteriores se refire. Pola mañá *Internet de Tu Color Favorito* fixo un especial de hora e media con **DIFUNGA (Club Deportivo Diversidad Funcional Galicia)** desde as instalacións de **A1Padel**. E pola tarde foi *EnBoxes* quen fixo un especial de 3 horas en *La Cantina de Narta* para despedir a súa 7ª tempada en antena.
- O 20 de agosto *La Regadera* entrevistou ao cómico e actor Migue Canalejo nun programa de 2 horas.
- O 23 de agosto, especial “Summer edition” do programa de humor *Poca Broma*.
- O 24 de agosto *Circo Pirata* fixo un especial de 2 horas do seu programa musical.

- O 29 de agosto *Internet de Tu Color Favorito* gravou un especial de 2 horas cos rapaces do Centro de Menores do CIEMA de Os Rosales. Foi emitido dous días despois.
- Os días 3 e 24 de setembro, *La Regadera* levou a cabo 2 especiais de 2 horas nos estudos centrais de Cuac FM para entrevistar respectivamente á actriz Lledicia Sola e ao influencer El Hematocrítico.
- O 14 de setembro *EnBoxes* fixo un programa en directo de 2 horas desde Narón para cubrir a **Quedada de vehículos 4x4**.
- O 21 de setembro os programas *Internet de Tu Color Favorito* e *La Ciencia Es Femenino* uniron as súas forzas para facer unha **cobertura especial de 2 horas do Open Science de Cambre**
- O 6 de outubro *Minority Sports* retrasmitiu a final do **VII Open Cidade da Coruña de Pádel** nun directo de 2 horas.
- O 1 de novembro *Poca Broma* fixo un especial de hora e media para celebrar a súa volta ás ondas: "[Poca Broma Back to School](#)".
- O sábado 9 de novembro, *Internet de Tu Color Favorito* realizou un programa especial de 18:00 a 20:00 desde a Domus con motivo da **OSHWDem (Open Source Hardware Demonstration 2019)** auspiciada polo colectivo BricoLabs.
- O 31 de decembro o equipo de *Que No Es Poco* realizou o seu derradeiro programa [especial de fin de ano](#), dando fin a unha traxectoria de 10 edicións consecutivas con esta aventura radiofónica.

DIFUSIÓN DE PROGRAMAS EXTERNOS

Cuac FM difunde a través do seu dial producións de outras emisoras comunitarias e proxectos radiofónicos que aportan contidos non frecuentes na nosa radio.

Os día de diario emitíronse os informativos *Democracy Now!*, *Más Voces*, *Carne Cruda*, *La Cafetera* e o *Boletín Ambiental Radio Cerna*. Os informativos de fin de semana foron *Democracy Now! Resumen Semanal*, *Democracy Now! Columna de Amy Goodman*, *Más Voces Semanal* e o *Informativo Amnistía Internacional*.

Cuac FM emitiu os programas producidos en Galicia: *Ábrete De Orellas*, *Burán*, *O Recanto do Corcovado*, *Higher Street*, *Proxecto Neo*, *Grandes voces do noso mundo*, *Metrópoles Delirantes*, *Os outros feirantes* e *La Radio de los Gatos* de ASPACE Coruña, ademais do xa mencionado *Boletín Radio CERNA*. Como producións do resto do Estado, CUAC emitiu *La Biblioteca Perdida*, *Mar de Fueguitos*, *La Hiena - Radio Show*.


5. IMPACTO DIXITAL E ESTATÍSTICAS DE AUDIENCIA EN INTERNET

AUDIENCIA EN INTERNET


En Maio de 2019 a nova web de Cuac FM cumpliu catro anos da súa estrea. En termos globais, a nosa Web recibiu en 2019 un total de 37.902 visitas, o que supón unha media de 103 visitantes/día. A páxina máis visita é cuacfm.org/directo, cun total de 12.111 visitas en 2019, seguido da páxina principal <https://cuacfm.org/> (10.828 visitas/ano) e da nosa grella (4.211 visitas/ano). A continuación amósanse o volume de datos do noso streaming en 2019 e 2018. A baixada de audiencia á través do noso streaming podería deberse á volta a emisión en FM en 2019, o que levou moita da nosa audiencia en streaming a escotarnos de novo a través da FM.

AUDIENCIA STREAMING

VOLUME DE DATOS STREAMING 2019



VOLUME DE DATOS STREAMING 2018



VISITAS Á WEB DE CUAC FM

Media de visitas á Web <https://cuacfm.org/> (meses e anos)

Meses e anos

	Xan	Feb	Mar	Abr	Mai	Xuñ	Xul	Ago	Set	Out	Nov	Dec		Total
2015					5.827	4.570	2.172	1.176	3.203	4.580	3.938	3.410		28.876
2016	2.991	3.492	5.036	10.109	10.416	9.988	7.813	5.863	6.449	8.033	7.250	7.776		85.216
2017	7.905	7.923	8.958	9.910	9.898	8.886	6.859	7.131	17.378	18.113	23.529	14.129		140.619

2018	14.20 6	16.18 7	13.20 4	12.25 4	6.720	3.252	2.017	1.306	3.253	4.038	5.023	2.935	84.395
2019	2.989	5.822	4.632	3.093	3.625	4.644	816	1.458	2.853	2.884	2.597	2.489	37.902
2020	2.273												2.273

Nota: A media é a suma das vistas dividida polo número de días.

Media diaria de visitas á Web <https://cuacfm.org/>

	Xan	Feb	Mar	Abr	Mai	Xuño	Xul	Ago	Set	Out	Nov	Dec	Total
2015					324	152	70	38	107	148	131	110	124
2016	96	120	162	337	336	333	252	189	215	259	242	251	233
2017	255	283	289	330	319	296	221	230	579	584	784	456	385
2018	458	578	426	408	217	108	65	42	108	130	167	95	231
2019	96	208	149	103	117	155	26	47	95	93	87	80	104
2020	103												103

Nota: A media é a suma das vistas dividida polo número de días.

Artigos más vistos en 365 días (resumo automático de Wordpress)

Anual (datos obtidos a data de 22.01.2020)

Título	Visitas
Directo	12.111
Home	10.828
Grella	4.211
O Supremo tumba o recurso da Xunta contra Cuac FM	1.587
COMUNICADO DE CUAC ANTE O RECURSO DA XUNTA DE GALICIA Á SENTENZA DO TSXG QUE GARANTE O DEREITO DE EMISIÓN DE CUAC FM	1.348
Escola de Radio	661
Novas	629
XXI CONCURSO DE BANDAS E SOLISTAS DE CUAC FM	467
Únete a CUAC	388
COMUNICADO DE CUAC ANTE EL RECURSO DE CASACIÓN DE LA XUNTA (ES)	372
Convocado o XXI Concurso de Bandas e solistas CUAC FM	338
XIX Concurso CUAC FM para Bandas y Solistas	289

AUDIENCIA REPOSITORIO RADIOCO

Estes son os as estatísticas “aproximadas” de cada un dos programas de CUAC FM incluindo o número total de descargas dos podcasts **no noso RADIODO en 2019**. O software de estadísticas so suma os 1000 arquivos más descargados, que veñen sendo aqueles podcasts que teñen polo menos 1 xiga de descargas (en torno ás 40 escoitas), o número de episodios tidos en conta mostrase na columna de “Conteo - Fecha”. Os podcasts descargados poden ser previos a 2019.


	Datos		
Programa	Suma - Total descargas	Suma - Descargas en GB	Conteo - Fecha
a-fume-de-carozo	4455	177,86	55
alegria	1680	112,91	37
cafe-con-gotas	1134	85,40	25
circo-pirata	1035	71,68	24
cobertura-open-science-c	66	5,99	1
cuaknroll	2208	143,13	48
cuidado-corazon	1140	104,88	16
dale-voz	668	51,97	15
dia-da-ciencia-na-rua	98	12,00	2
el-desinformativo	4729	397,23	100
eleccions-reitoria-da-ud	50	9,69	1
enboxes	3716	263,79	65
enworking	36242	1.276,45	37
especial-festival-noroes	68	18,56	1
familias-divergentes	45	2,28	1
heima	571	35,11	10
internet-de-tu-color-fav	1566	106,83	34
la-regadera	841	55,80	18
loco-ivan	2393	157,81	51
malhumorhadas	631	49,72	13
manda-carallo	2414	165,51	49
minority-sports	175	16,59	3
multiplex	904	60,00	21
nubes-de-papel	940	61,15	18
orion-21	1430	96,56	33
peneirando-educacion	46	4,70	1
poca-broma	936	59,97	20
radioactiva	2091	140,67	47
radiosenior	146	10,90	3
recendo	2049	143,61	46
simplemente-gente	3152	205,09	70
sin-etiquetas	1471	105,43	31
spoiler	7897	361,86	56
ultimo-acorde-radio	1631	87,36	12
Total Resultado	88618	4.658,49	964

Táboa: sumaronse 964 arquivos distintos que non son o total dos existentes no radioco. 1GB son aproximadamente 745 segundos de escoita ou 13 programas enteiros de 57 minutos.


ESTATÍSTICAS MENSUAIS SUMATORIO WEB CUAC FM

As seguintes estatísticas amosan o total de visitas ás webs de Cuac FM (“unique visitors”, número de persoas que acceden á web de CUAC dende IPs distintas) e o volumen total de descargas que principalmente se realizan no noso RADIODO (‘bandwidth’, total datos descargados). En comparación con 2018, en 2019 duplicamos o total de descargas da nosa web, o que é consecuencia do incremento das descargas dos nosos podcasts pola promoción que algúns programas fan semanalmente dos seus episodios a traves Internet e das súas redes sociais.

Estadísticas mensuais de accesos a <https://cuacfmu.org> en 2019



Estadísticas mensuales de accesos a <https://cuacfmu.org> en 2018



6. GALA DOS OSCUACS 2019

Cuac FM celebrou a noite de 20 de xaneiro a súa tradicional “Gala dos Oscuacs” na que celebramos, con moito humor e *bo rollismo*, os premios da emisora. Todos os programas de CUAC participan nesta gala na que nos damos premios a nós mesmos polo bo traballo feito durante o ano anterior. A Gala dos Oscuacs supón, como se ve na imaxe, unha loita sen guión por uns premios en forma de patiño de goma.



Foto: Algúns dos premiados na Gala dos Oscuacs 2019

7. XXI CONCURSO DE BANDAS E SOLISTAS DE CUAC FM

O XXI Concurso de Bandas e Solistas organizado pola emisora comunitaria da Coruña, Cuac FM, foi convocado no mes de maio e contou con duas fases. A primeira para bandas galegas que desexasen actuar no Esceario principal do Festival Noroeste Estrella Galicia e a segunda xa para bandas de toda España, e no que as duas con máis puntos participarían na Batalla de Bandas. O concurso conta co patrocinio en exclusiva do Concello da Coruña, o que posibilita aboar todos os custes e premios da presente edición.

Participaron nesta edición 104 bandas e/ou solistas. Os xurados externos do Concurso de Bandas e Solistas de 2019 foron César Martín (Revista Popular 1), David Saavedra (Rockdelux, Red Bull Music Channel, La Luna de Metrópoli) e Pepe Cunha (Radio Filispim e Ábrete de Orellas; Premio Martín Códax da Música), ademáis de 12 persoas voluntarias socias de CUAC. As tres bandas galegas que se calificaron para actuar no escenario da Praia de Riazor do Festival Noroeste Estrella Galicia foron Portland (gañadora do premio á Mellor Banda local dotado con 700 euros de premio), The Rapants (Muros) e LORA (Carral) que actuaron os días 9 e 10 de agosto.

BATALLA FINAL DO CONCURSO DE BANDAS

O día 28 de setembro celebrouse a “Batalla de Bandas” de Cuac FM na Sala Mardi Gras. Os galegos *Deleiba*, que teñen a sua base de operacións en Muros, foron os que levaron o Primeiro Premio dotado con 800 euros. Dende A Coruña, Laracha e Carballo chegaba a banda que obtivo o segundo premio nunha reñida votación: Ambigüo *que* acadaron o segundo premio e 600 euros.



Fotos: XXI Final do Concurso de Bandas e Solistas de CUAC FM

8. PARTICIPACIÓN EN XORNADAS E CONGRESOS

FEIRA DE ASOCIACIÓN DA UNIVERSIDADE DA CORUÑA “BENVIDA UDC”

CUAC participou, o 12 de setembro de 2019 na Feira de Asociacións que a Universidade da Coruña organiza ao comezo do curso escolar. CUAC estivo informando das suas actividades no Estadio Universitario de Elviña xunto a outras asociacións, en horario de 12:30 a 14:30 e de 16 a 18 horas, cunha mesa informativa á que se achegou moito do alumnado da UDC a interesarse polo proxecto da radio comunitaria da Coruña.

PANEL CONGRESO IAMCR (Madrid 6 de xullo de 2019)

CUAC FM participou nas actividades pre-congreso do IAMCR (International Association for Media and Communication Research) celebrado en Madrid no mes de xullo de 2019. Concretamente, a compañeira Isabel Lema foi convidada pola organización do congreso a participar no panel “Media justice in the digital age”, celebrado o 6 de xullo de 2019, e coordinado polos profesores Emiliano Treré (Cardiff University), Joan Pedro (Saint Louis University) e Alejandro Barranquero (Universidad Carlos III de Madrid). Dentro desta actividade, Isabel Lema presentou a ponencia “Community media in Southern Europe. The Spanish case” na sesión "Present, future & challenges of research in community communication & alternative media", xunto con expertos internacional no eido da comunicación alternativa, como Claudia Magallanes (Universidad Iberoamericana de Puebla), Amparo Cadavid (Uniminuto), Antonieta Mercado (University of San Diego) e Dorothy Kidd (University of California).

Os representantes de CUAC FM Isabel Lema e Chema Casanova participaron tamén en dous talleres formativos realizados no eido con congreso: “Three Colombian methodological approaches to participatory action research” and “Reception studies in Community Media. Towards the construction of community appropriation processes” e “Paths towards technological autonomy: planning and implementation of community projects”. Máis información no enlace:

<https://iamcr.org/madrid2019/community-communication-and-alternative-media-section-prepost-conference-events>

9. PARTICIPACIÓN EN REDES DE MEDIOS COMUNITARIOS

ENCONTRO DA REDE DE MEDIOS COMUNITARIOS 2019



CUAC FM participou na Asemblea da Rede de Medios Comunitarios 2019 celebrada en Cardedeu (Cataluña) coa Radio Televisió de Cardedeu como anfitrióna deste evento e que contou coa asistencia dunha centea de representantes do sector dos medios comunitarios do estado. CUAC segue ostentando a presidencia da Rede de Medios Comunitarios, así como traballando para a defensa dos dereitos de comunicación da cidadanía. Máis información sobre o evento [en:](https://medioscomunitarios.net/2019/04/conclusiones-de-la-asamblea-remc-2019-a-por-las-licencias/) <https://medioscomunitarios.net/2019/04/conclusiones-de-la-asamblea-remc-2019-a-por-las-licencias/>

PARTICIPACIÓN NA ASOCIACIÓN MUNDIAL DE RADIOS COMUNITARIAS (AMARC)

CUAC é unha entidade socia de AMARC, a Asociación Mundial de Radios Comunitarias (www.amarc.org) e da súa filial europea, AMARC-Europa (<http://www.amarceurope.eu>). Actualmente, Cuac FM ocupa un posto no Consello Directivo de AMARC-Europa a través da participación da súa socia, Isabel Lema, como responsable da tesourería.

10. COLABORACIÓN CON OUTRAS ENTIDADES

- Colaboración coas entidades **Aliad-Utreia**, **SEPA-interea** e **MeLiSA** para a realización dun taller de radio no Centro Penitenciario de Monterroso. Un taller formativo no que participan 15 persoas presas que serán as encargadas de dar continuidade á radio LibreMente.
- Colaboración coa **Facultade de Informática da Universidade da Coruña** para o desenvolvemento de traballos de fin de grado e de fin de máster do seu alumnado.
- Colaboración coa **Facultade de Económicas da UDC**, para o desenvolvemento de traballos de fin de grado do seu alumnado.
- Colaboración coa **Facultade de Ciencias da Comunicación da USC** para o desenvolvemento de prácticas e traballos de estudiantes de xornalismo sobre medios comunitarios, e participación no proxecto de investigación en comunicación e cidadanía CIDACOM, coordinado polo profesor Marcelo Martínez.
- Colaboración coa **UDC**, para a celebración do Obradoiro de Radio, impartido por CUAC FM e a celebración da Feira de Asociacións da UDC.
- Colaboración con **ASPACE-Coruña** para a emisión do proxecto radiofónico *La Radio de los Gatos* realizado por persoas con parálise cerebral de dita asociación.
- Colaboración coa ONG ecoloxista **ADEGA** para a emisión dos podcasts do *Boletín Ambiental Radio Cerna*, un programa de educación ambiental dirixido á poboación adulta de Galicia.
- Colaboración coa **ONG Amnistía Internacional** para a emisión semanal do *Boletín Informativo Amnistía Internacional*.
- Colaboración coa Fundación **La Caixa** para o desenvolvemento das actividades da Escola de Radio de Cuac FM
- Colaboración coa **Agrupación Cultural Alexandre Bóveda**, coa que compartimos parte do seu local do centro da Coruña no que se organizan diversas xornadas, actividades culturais e xuntanzas de coordinación.
- Colaboración coa Asociación de Reporteiros Solidarios AGARESO, para o desenvolvemento de actividades de educación e sensibilización social e educomunicación
- Colaboración coa **Fundación Padre Rubinos**, entidade que emite o programa *Radioactiva* realizado por persoas en risco de exclusión social, usuarios do seu centro na nosa cidade.
- Colaboración con **UTACA** (Unidade de Tratamento do Alcol e Condutas Aditivas), para a formación e creación de *Dale voz*, programa de radio dirixido a colectivos socialmente excluídos.

11. CAMPAÑA DE MECENAS DE CUAC FM

Cuac comezou en 2019 unha campaña de captación de mecenazgo en pequenos establecementos comerciais da Coruña que desexen apoiar económicoamente o noso proxecto de radio comunitaria e de proximidade.



Ata o momento temos un total de 10 mecenazgos de CUAC, aos que agradecemos o seu apoio:

Cervexaría CREEDENCE, ATELIER centro de estudos, taller de estilismo LANTANA, Restaurante NORAY, cafetaría DESEOS, agasallos BRIGANTIUM, Centro Social GOMES GAIOSO, 10DE10, Carnicería MÓNICA, SONS DE BREOGÁN plataforma de difusión e servizos para músicos e artistas.

ANEXO I. COMUNICADO DE CUAC ANTE O RECURSO DA XUNTA DE GALICIA Á SENTENZA DO TSXG QUE GARANTE O DEREITO DE EMISIÓN DE CUAC FM

A Coruña, 10 de febreiro de 2019. O pasado 7 de febreiro o [Tribunal Superior de Xustiza de Galicia](#) notificou a Cuac FM a dilixencia pola cal a Xunta de Galicia anuncia a preparación dun Recurso de Casación contra a [sentenza 00507/2018 deste Tribunal](#), favorable a Cuac FM.

Dito noutras palabras, a Xunta recorreu ante o Tribunal Supremo [unha sentenza do TSXG que garante o dereito á comunicación desta emisora comunitaria](#) e na que se recoñece unha garantía temporal de emisión en frecuencia modulada para Cuac FM.

A devandita sentenza que a Xunta pretende recorrer ante o Tribunal Supremo, recoñece a violación dos dereitos fundamentais de Cuac FM e o seu dereito a emitir, e deixaba sen efecto as ameazas de sanción en caso de voltar á FM, coma de xeito [fixemos o 1 de novembro](#), sentenza que foi ditada unanimemente por catro maxistrados, tendo en conta o [informe previo da fiscalía favorable á Cuac](#).

A través deste comunicado, CUAC quere trasladar á cidadanía a súa consternación ante a preparación deste recurso, que pon de manifesto unha persecución por parte da administración a un medio comunitario, sen ánimo de lucro, que leva [23 anos exercendo unha actividade asociativa e educadora](#).

CUAC non comprende as motivacións para que unha administración empregue recursos públicos para anular unha sentenza expansiva dos dereitos fundamentais da cidadanía. En segundo lugar, tampouco comprendemos que beneficios para a cidadanía galega e coruñesa se derivarían da desaparición de Cuac FM do dial, que é o único efecto que este recurso de casación ante o Tribunal Supremo podería chegar a acadar. Esta acción é de todo irracional, en canto [a propia Xunta recoñeceu por escrito no seu día que Cuac FM leva más de 20 anos emitindo na frecuencia modulada de boa fe](#), sen ánimo de ocultación, e sen recibir advertencia algúnhia por parte da Administración, que non existen terceiros prexudicados e que carece de ánimo de lucro.

Así as cousas, **que dano causa Cuac FM** para que se emprenda un recurso nada menos que ante o Tribunal Supremo co único obxectivo de eliminala do dial coruñés?

Tristemente non cabe outra explicación plausible que a **persecución**, non a CUAC, que ao cabo é continxente, se non **á propia comunicación comunitaria, recoñecida internacionalmente** coma unha ferramenta útil contra os discursos do odio, a posverdade e as fake news,

favorecedora do diálogo intercultural e interxeneracional, e propiciadora de comunidades más harmónicas e diversas.

A única interpretación que cabe é a de que se está a **atacar toda unha escala de valores e libertades**, recollidas nas declaracíons internacionais de dereitos humanos e tamén na Constitución Española.

Cuac FM non vai recuar. Nestes tempos nos que sopran ventos de involución predemocrática non podemos senón estar á altura das circunstancias e manter a nosa posición, **garantindo o derecho a comunicar** de todas as coruñesas e coruñeses a través da frecuencia modulada, porque é grazas a vós, e é por vos que #CuacResiste.

ANEXO II. COMUNICADO DE CUAC ANTE A RESOLUCIÓN DE INADMISIÓN DO RECURSO DE CASACIÓN DA XUNTA DE GALICIA Á SENTENCIA DO TSXG FAVORABLE A CUAC FM

A Coruña, 4 de xuño de 2019. O Tribunal Supremo inadmite a trámite o recurso da Xunta de Galicia contra a Sentenza do TSXG que recoñece o dereito de emisión á Cuac FM na frecuencia modulada. Onte notificouse a Cuac FM a Providencia da Sala Primeira do Contencioso Administrativo do Tribunal Supremo que resolve o [recurso 1796/2019 interposto pola Xunta de Galicia contra a sentencia do Tribunal Superior de Xustiza de Galicia](#) dictada no procedemento especial de protección de dereitos fundamentais 4166/2018.

Dita sentenza do TSXG recoñecía a Cuac FM o dereito a emitir en frecuencia modulada baixo [unha garantía temporal de emisión](#), e deixaba sen efecto o expediente sancionador que a Xunta lle abrira tras unha interpretación restrictiva, e errónea da Ley 7/2010 General de Comunicación Audiovisual.

Na Providencia recibida onte, asinada por 6 maxistrados, o Tribunal Supremo inadmite a trámite o recurso da Xunta de Galicia, ao tempo que lle impón o pago de costas procesuais ate un máximo de 1000€, de xeito que a Sentenza recorrida xa é firme.

Dende Cuac FM manifestamos a nosa satisfacción pola decisión do Tribunal Supremo, que deixa de manifesto que Cuac FM tiña razón cando reivindicou, pola vía xurisdiccional, [o derecho a comunicar da ciudadanía da Coruña](#) a través de servizos de comunicación audiovisual comunitarios sen ánimo de lucro.

Cuac FM lamenta o malgasto de recursos públicos na persecución dunha iniciativa de comunicación cidadá, e en contra dunha interpretación expansiva dos dereitos fundamentais e as liberdades públicas.

Consideramos que o esforzo material e humano empregados en loitar contra Cuac FM era digno de mellor causa, e estimamos que compre unha reflexión ao respecto.

O SUPREMO RATIFICA A SENTENZA DO TSXG

A firmeza desta sentenza pon de relieve o incumprimento reiterado das obrigas legais das administracións públicas competentes en materia de medios comunitarios, ao manter inaplicada a día de hoxe a Lei 7/2010 General de Comunicación Audiovisual, nove anos despóis da súa entrada en vigor.

É alarmante que nun estado de derecho, unha entidade coma Cuac FM teña que poñer en risco a

súa supervivencia coma proxecto comunitario para que os Tribunais de Xustiza lembren aos poderes executivos o seu traballo pendente. Máis preocupante é ainda que unha administración utilice recursos públicos para esgotar todas as instancias contra unha sentenza favorable aos dereitos fundamentais dos administrados.

Con esta inadmisión a trámite péchase un episodio revelador dun xeito de entender a comunicación, pouco respectuoso cos dereitos fundamentais e por tanto, profundamente antidemocrático, que debería chamar a reflexión, non so á Xunta de Galicia, senon tamén á sociedade en xeral, e moi en particular aos medios de comunicación.

En calquera caso, Cuac volveu para quedar, e reiteramos o noso agradecemento a todas as persoas, organizacións, e institucións que nos apoíaron nestes anos difíciles.

Este triunfo non tería sido posible sen vós. Cuac Resiste!!!